

中國方志叢書·華中地方·第五一六號

據

清·金鰲等纂修
清乾隆三十年刊本

影印

浙江省

海寧縣志

(一)

42107
成文出版社有限公司印行



10101734

中國方志叢書·華中地方·第五一六號

據

清·金鰲等纂修
清乾隆三十年刊本

影印

浙江省

海寧縣志

(二)

成文出版社有限公司印行



10101735

中國方志叢書·華中地方·第五一六號

據

清·金鰲等纂修
清乾隆三十年刊本

影印

浙江省

海寧縣志

(三)

401/07
成文出版社有限公司印行



10101731

中國方志叢書·華中地方·第五一六號

據

清·金鰲等纂修
清乾隆三十年刊本

影印

浙江省

海寧縣志

(四)

902/107
成文出版社有限公司印行



10101732

中華民國七十三年三月臺一版

海寧縣志

共四冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

海寧縣志

首卷

宸翰

雍正十年

世宗憲皇帝御製海神廟碑文

國家虔修祀典以承上下神祇嶽瀆海鎮之神秩祀惟謹
視前代爲加隆焉朕臨御以來夙夜以敬

天勤民爲念明神之受職於

天而功德被於生民者昭格薦歆敬禮尤至其爲民禦大災
捍大患合於祭法所載則尊崇廟貌以昭德報功蓋所以

遂斯民瞻仰之願而動其敬畏祇肅之心使毋敢慢易爲
非以得永荷

明神之嘉貺意至遠也皇輿東南際大海而浙江海寧居
瀕海之衝龍山赫山列峙其南颶風怒濤潮汐震蕩縣治
去海不數百步資石塘以爲捍蔽雍正二年潮涌堤潰有
司以聞朕立遣大臣察視修築且念小民居恒罔知敬畏
慢神喪天召災有自爰切諭以修省感應之道令所司家
喻戶曉警覺衆庶比年以來徵

明神庥佑塘工完固長瀾不驚民樂共生間井蕃息越七
年秋汛盛長幾至汎溢吏民震恐已而風息波恬隄防無

蓋遠近懽呼相慶謂惟

大海之神昭靈默佑惠我蒸黎以克濟此朕惟滄海含納
百川際天無極功用盛大

神實司之海寧爲海壖劇邑障衛吳越諸大郡海潮內溢
則舂墊斥鹵咸有可虞

神之禦患捍災莫此爲大特發內帑金十萬兩勅督臣李
衛度地鳩工建立

海神之廟以崇報享經始於雍正八年春三月泊雍正九
年冬十有一月告成門廡整秩殿宇深嚴丹雘輝煌宏壯
鉅麗時展明禋典禮斯稱爰允督臣之請勒文穹碑垂示

久遠俾斯民忻悚瞻誦共喻朕欽崇

天道祇迓

神庥懷保兆民之至意相與嚮道遷善服教畏神則

神明之曰監在茲顧答歆饗其炳靈協順保護羣生奠安
疆宇與造物相爲終始有永勿替朕實嘉賴焉雍正十年
六月十一日

雍正十一年正月

欽頒海神廟

御書福寧昭泰四字扁額

乾隆二年七月

御製尖山觀音廟碑文

我

皇考世宗憲皇帝屢念浙江海塘爲瀕海諸郡保障先後遣大臣相度形勢鳩工庀材動發帑金二百餘萬繕舊葺新俾居民有所倚恃尖山者海隅之一山也以石爲址矗立滄濤朝朝夕汐必經其麓因卽其上建大士廟用以棲神靈來景貺經始於雍正十三年冬十月越乾隆元年八月告成所司以勒石記事上請朕惟海于天地間爲物最鉅非有神靈默相人力將無所施功而佛法不可思議恒能贊助造化庇佑蒼黎有感必通捷于影

響釋氏所稱觀音大士以慈悲爲體以救度爲緣普濟衆生隨聲應現其功用大矣我

皇考爲民祈福之心無乎不至神之能爲民禦大災捍大患者敬而禮之浙中名山若普陀若天竺皆大士道場靈應夙著尖山之名雖未顯于古而與靈鷲落伽遠近相望層巒巖巖近接潮音實爲神明之宅寶坊旣建將見風橋琛舶出入于烟波浩渺之中雲旂翠旂往來擁護而馮夷息警颶風不興並海之民安居樂業熙熙然耕田鑿井以咏歌

皇考之聖澤于無疆者神之庥也爰鐫之貞珉以誌緣起乾

隆二年七月二十日

乾隆四年六月

欽頒海神廟

御書清晏昭靈四字扁額

乾隆五年七月

御製海寧縣尖山壩工告竣碑文

浙之海寧縣東南濱海之境有尖塔二山相去百有餘
丈臨流聳峙根址毘連爲江海門戶潮之自三疊入者
北疊爲最大二山其首衝也舊有石壩捍禦洪潮積久
漸毀我

皇考世宗憲皇帝廬念瀕海生靈

特命重加修築厥後以湍急暫停朕仰承

先志勤恤民依諄諭封疆大吏盡心籌畫邇年以來沙之坍
者日以漲潮之北者日以南度可興工爰命撫臣及時
完整茲乾隆五年夏撫臣奏自二月間庀興役子來雲
集踴躍爭先兼以風日晴和程工倍速屆今閏月之初
工已告竣一望崇墉屹如磐石向之惴惴恐懼慮爲波
臣者安耕作而荷平成恭請勒石紀載垂諸無窮夫禦
災捍患貴先事而爲之防海波浩潏際天潮汐出入高
如連山疾于風霆瞬息數千百里非人力倉卒所可禦

居民恃石塘以爲安石塘恃二山以爲障而連絡二山之勢延袤橫亘若戶之有闕關之有鍵繫壩工是繫今者堤岸堅完沙土高塗高阜藩籬旣固石塘可保無虞廬舍桑麻綺分繡錯東南七郡咸登衽席之安非特寧邑偏隅而已是役也施力于烟濤不測之區奏功速而民不勞良用嘉慰繼自今守土之臣其益恪勤奉職共體此事事有備之意以保我蒸黎海疆其永有賴諸乾隆五年庚申秋七月十八日

乾隆二十七年三月

聖駕閱視海塘

御製觀海塘誌事示總督楊廷璋巡撫莊有恭

明發出慶春駕言指海寧海寧往何爲要欲觀塘形浙
海沙無常南北屢變更北坍危海寧南坍危紹興惟趨
中小壘南北兩獲平然苦中壘窄其勢難必恒紹興故
有山爲害猶差輕海寧陸且低所恃塘爲屏先是常趨
南漲沙率可耕兩度曾未臨額手謝神靈庚辰忽轉北
海近石塘行接石爲柴塘易石自久經費帑所弗惜無
非爲民生或云下活沙石隄艱致擎或云量移內接築
庶可能切忌道旁論不如目擊憑活沙說信然尺寸不
可爭

塘邊試下木椿始苦沙濕用二百餘斤之鐵一築
率不及寸許待椿下既深又苦沙散不能齧木椿

搖搖無

移內似可爲間櫛比并

柴草向內數十丈其土俱宜椿可以卽工

著也然所在皆田廬此處爲塘必致毀棄田廬思未至而先殃民心復有所不忍

其無室廬處又

復多池阮固云舉大事弗顧小害應然以衛民心忍先

使民驚且如內石建寧聽外柴傾是將兩隄間生靈蠲

滄瀟如仍護外當

去聲

奚必勞內營以此吾意決致力柴

塘成坦水簍石置可固隄根撐柴艱酌加價毋俾司農

程

命行在戶部及該督撫詳議加柴價

補苴示大端推行宜殫誠

乾隆二十七年三月初三日奉

上諭朕稽典時巡念海疆爲越中第一保障比歲潮勢漸

趨北大鹽實關海寧錢塘諸邑利害計于老鹽倉一帶

柴塘改建石工卽多費帑金爲民永遠禦災捍患良所
弗惜而議者率以施工難易彼此所見紛岐昨於行在
先命大學士劉統勳河道總督高晉巡撫莊有恭前往
工所簽試椿木朕抵浙次日簡從臨勘則柴塘沙性澁
汕一落千丈多打格卒復動搖石工斷難措手若舊
塘連內數十丈許土卽宜椿而地皆田廬聚落將移規
石工毀拆必多欲衛民而先殃民其病甚于醫瘡剜肉
矣朕心不忍且并外塘棄之乎抑兩存而贅疣可乎以
茲蒿目熱籌所可爲吾民善後者惟有力繕柴塘得補
偏救弊之一策耳地方大吏其明體朕意悉心經理定